


113.1812-2

355516

文學博士瀧川龜太郎著

史記會注考證



2039/12

東方文化學院東京研究所藏版

昭和七年二月廿九日印刷
昭和七年三月十日發行

史記會注考證

定價 全十冊 金參拾八圓
各冊 金參圓八拾錢

青 著

龍 川 龜 太 郎

多 著

多 田 寅 松

市 著

市 川 龍 光 之 介

印 著

印 田 龍 光 之 介

東京市本郷區東京帝國大學附屬圖書館內

發行所

東方文化學院東京研究所

史記會注考證卷三十二

漢 太 史 令 司 馬 遷 撰

宋 中 郎 外 兵 曹 參 軍 裴 駢 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

齊太公世家第二

史記三十二

正義括地志云天齊池在青州臨淄縣東南十五里封禪書云齊之所以爲齊者以天齊也考證史公自序云申呂肖矣尙父側微卒歸西伯文武是師功冠羣公繆權

亡于幽。番黃髮爰饗營丘，不背柯盟。桓公以昌九合諸侯，勦功顯彰，田闢爭寵，姜姓解亡。嘉父之謀，作齊太公世家第二。顧棟高曰：齊於春秋號為大國，然以山東全省計之，兖州強半屬魯，泰安與魯參半，東昌、晉、衛錯處，他如青州、濟南、魯地，犬牙其間，齊所全有者，武定、登萊三府，及曹沂所屬數縣而已。其形勢要害，不如晉、幅員廣遠，不如吳、楚。徒以東至海，饒魚鹽之利，西至河，憑襟帶之固，南至穆陵，有大岬之險，北至無棣，收廣莫之地，用管子之計，官山海，遂成富強，為五伯首，豈惟地利抑亦人謀之善也。然管子以圖伯者，陳氏亦用以竊國器一也，而操之者則異，豈非得其人則用以興，失其人則遂以亡者歟。愚按：左傳信四年所謂東至海，西至河，四句就太公賜履之地而言之，非說齊封疆也。而顧氏云：穆陵，山東青州臨朐縣南無棣，直隸天津慶雲縣，誤以近齊地名充之，故其所說封疆則略得其要，說又見太公條下。

太公望呂尚者東海上人。

果齊呂氏春秋曰：東夷之十，索譙周曰姓姜名牙，炎帝之裔，伯夷之後，掌四岳有功，封

之於呂，子孫從其封姓，尚其後也。按後文王得之渭濱云：吾先君太公望子久矣，故號太公望。蓋牙是字，尚是其名。後武王號為師，尚父也。正義按蘇州海鹽縣有太公宅及廟，其縣臨海，故云東海。考證崔述曰：孟子春秋傳皆稱其為太公，果如史記之說，則太公即王季，豈可去望而以太公稱之。蓋望其名，尚父其字，呂其氏也。姜其姓也。師其官也。公其爵也。太公，齊人之追稱之也。是時諸侯尚未有諡，周之大臣有太公為齊始封君，故號之曰太公。猶齊父之號為太王也。師尚父者，連官與字而稱之者也。猶所謂保奭史佚也。太公望者，連號與名而稱之者也。猶所謂周公旦召公奭也。呂尚者，連氏與字而稱之，而不交者也。猶子游之稱子車，之稱公西華也。牙之名，尚父之官，皆不見於經傳，蓋由不

知望之即名尙父之即字而妄爲之說者也梁玉繩曰孟子曰太公望則其名望審矣中井積德曰太公不知何許人也孟子稱辟紂居東海之濱則其非東海上人也明矣梁玉繩曰呂氏春秋當染首時注淮南汜論注水經注九並言太公河內汲人

其先祖嘗爲四嶽佐禹平水

土甚有功

考證國語周語曰四岳共工之從孫佐伯禹高上下疏川導滯鍾水豐物皇天嘉之祚四岳國命爲侯伯賜姓曰姜氏曰有呂謂其

能爲禹股肱心膂以養物豐民人也史公所本柯維祺曰周語以四岳爲共工之從孫佐禹治水又鄭語云姜伯夷之後太史公于陳杞世家云伯夷之後至周武王復封于齊曰太公望乃本周語豈四岳即伯夷耶虞夏之際封於呂集解除廣曰呂在南陽宛縣西或封

於申

集解地理志申在南陽宛縣申伯國也呂亦在宛縣之西也考證國語周語申呂雖衰齊許猶在

姓姜氏夏商之時

申呂或封枝庶子孫或爲庶人尙其後苗裔也本姓姜氏從

其封姓故曰呂尙呂尙蓋嘗窮困年老矣

集解譙周曰呂望嘗屠牛於朝歌賣飲於孟

津考證荀子君道篇文王舉太公於州人而用之行年七十有二翻然而齒墮矣以漁釣奸周西伯

正義括地志云茲泉

水源出岐州岐山縣西南凡谷呂氏春秋云太公釣於茲泉遇文王鄭元云磻溪中有泉謂之茲泉泉水潭積自成淵渚即太公釣處今人謂之凡谷石壁深高幽篴邃密林澤秀

阻人跡罕及東南隅有石室蓋太公所居也水次有礮石可釣處即太公垂釣之所其投竿跪餌兩膝遺跡猶存是有礮碯之稱也其水清冷神異北流十二里注于渭說苑云呂望年七十釣于渭渚三日三夜魚無食者望即忿脫其衣冠上有農人者古之異人謂望曰子姑復釣必細其綸芳其餌徐徐而投無令魚駭望如其言初下得鮒次得鯉刺魚腹望得書書文曰太公就養西歸天下仰爲大老何云奸也獵渭載歸之說余猶疑之此皆戰國梁玉繩曰太公就養西歸天下仰爲大老何云奸也獵渭載歸之說余猶疑之此皆戰國好事者僞造不足依信呂覽首時篇謂太公聞文王賢故釣于渭以觀之言尙近理然聖如文王太公應久見知何煩觀乎蓋太公未遇時若漁釣若屠牛若賣食或曾爲之總非歸西伯時事諸子紛馳千言成實甚且衍爲魚腹得書之異其妄與搜神記神託夢同

西伯將出獵卜之曰所獲非

龍非

龍非影徐廣音勑知反徐廣曰勑知反索隱徐廣音勑知反徐本亦作蠅字

非虎非

龍非影徐廣音勑知反徐廣曰勑知反索隱徐廣音勑知反徐本亦作蠅字

答賓戲注初學記疏引史記作非熊非龍

所獲霸王之輔

考證當時不當有

於是周西伯獵

果遇太公於渭之陽與語大說曰自吾先君太公曰當有聖人適周周以興子真是邪吾太公望子久矣故號之曰太公望載與俱歸立爲師

梁玉繩曰詩齊風譜疏引世家作立爲太師呂子長見篇注同崔述曰戰國時人以割烹要湯誣伊尹

以食牛干秦誣百里奚。孟子皆嘗辯之。太公伊尹禱也。其不以漁干文王也。明甚。然卽所謂文王田渭濱與語而載與俱歸者。亦恐未必然也。中井積德曰。漁釣干西伯固是俗說。至太公望子。妄亦太甚。顧炎武曰。周之太王。齊之太公。吳之太伯。有國之始祖。謂之太祖。其義一也。或曰。太公博聞。嘗事紂。紂無道。去之。游說諸侯。無所遇。而卒西歸周西伯。

孟子云太公辟

紂居東海之濱。則是太公不仕紂也。太公辟紂之不暇。而寧肯自投於朝歌。孟津。紂之國中哉。梁玉繩曰。周初無游說之風。而太公又豈游說之士。明是戰國好事者爲之。孫子用問云。周之興也。呂牙在殷。鬼谷子午合云。呂尙三或曰。呂尙處士。隱海濱。周入殷朝。三就文王。然後合于文王。或之說本此。

西伯拘羑里。散宜生。閎夭。素知而招呂尙。呂尙亦曰。吾聞西伯賢。又善養老。盍往焉。三人者。爲西伯求美女奇物。獻之於紂。以贖西伯。西伯得以出反國。

考梁玉繩曰。依此說。則是太公非身遇文王。而閎散爲之介紹也。豈其然

乎。況因羑里之時。太公猶未歸周也。此本尙書大傳之繆說。而增損之。美女奇物之獻。尤妄。辨見殷紀中。

言呂尙所以事周雖異。然要之爲文武師。周西伯昌之脫羑里歸。與呂尙陰謀修德。

以傾商政。其事多兵權與奇計。

正義六韜云武王問太公曰律之音聲可以知三軍之消息乎太公曰深哉

王之間也夫律管十二其要有五宮商角徵羽此其正聲也萬代不易五行之神道之常也可以知敵金木水火土各以其勝攻之其法以天清靜無陰雲風雨夜半遣輕騎往至敵人之壘九百步偏持律管橫耳大呼驚之有聲應管其來甚微角管聲應當以白虎徵管聲應當以玄武商管聲應當以句陳五管盡不應無有商聲當以青龍此五行之府佐勝之徵陰敗之機也考論楓山三條本正義消息下有勝負之決四字應當作成敗故後世問有當以朱雀羽聲應七字無有商聲四字作宮也二字府作符陰敗作成敗

之言兵及周之陰權皆宗太公爲本謀。

考論葉夢得曰此說出六韜夫太公賢者其所用王術

其所事聖人則出處必有義而致君必有道自墨翟以太公干文王爲忤合孫子謂之用間且以營爲文武將兵故尙權詐者多竝緣自見周西伯政平。

及斷虞芮之訟而詩人稱西伯受命曰文王伐崇密須。

案按郡

國志在東郡廩丘縣北今曰顧城密須姁姓在河南密縣東故密城是也與安定姁姓密國別也犬夷。

考論錢大昕曰犬戎卽昆夷中非積德曰以虞芮之符

者漢儒之誣誕耳大作豐邑天下三分其二歸周者太公之謀計居多。

文王崩武王卽位九年欲修文王業東伐以觀諸侯集否師

行。師尙父

集解劉向別錄曰師之尙之父之故曰師尙父父亦男子之美號也

左杖黃鉞右把白旄以

誓曰蒼兕蒼兕

蒼兕者水獸九頭今誓衆令急濟故言蒼兕以懼之然此文上下

下並今文泰誓也

正義

按言以此獸名官令其衆庶使水而疾濟考論臧琳曰郭氏亦同馬說謂無涯之水非世間主舟楫官所能涉也蓋蒼兕本水獸善覆舟故以此名官張文虎曰蒼兕本水獸又善奔突故以名水軍猶秦官名犀首犀兕同類愚按索隱王

充曰論衡是應篇今本論衡譌作蒼光

總爾衆庶與爾舟楫後至者斬遂至盟津諸

侯不期而會者八百諸侯

考論梁玉繩曰諸侯二字衍

諸侯皆曰紂可伐也

武王曰未可還師與太公作此太誓

考論楓山三條本師作歸梁玉繩曰作此太誓者卽上文所

謂蒼兕諸語也愚按此伏生所傳今文泰誓文說具殷紀

居二年紂殺王子比干囚箕子武王將

伐紂卜龜兆不吉風雨暴至羣公盡懼唯太公彊之勸武王

武王於是遂行

考論通典一百六十二引六韜云周武王伐紂師至汜水牛頭山風甚雷疾鼓旗毀折王之驂乘惶恐而死太公曰好賢而

能用、舉事而得時、則不看時日而事利、不假卜筮而事吉、不禱祀而福從、遂命驅之前進、周公曰、今時迎太歲龜灼言凶、卜筮不吉、星變為災、請還師、太公怒曰、今紂剋比干、囚箕子、以飛廉為政、伐之有何不可、枯草朽骨、安可知乎、乃焚龜折蓍、援枹而鼓、率衆先涉河、武王從之、遂滅紂、梁玉繩曰、六韜之書、後人所作、史記又採用六韜好事者、妄矜太公非

實事也、**十一年**梁玉繩曰、一作三年、徐廣正月甲子、誓於牧野、伐商紂。考證十

本書泰誓紂師敗績、紂反走登鹿臺、遂追斬紂。考證明

日、武王立于社、羣公奉明水、梁玉繩曰、周本紀、毛叔鄭奉明水也、考證衛

康叔封布采席、考證周本紀、衛康叔封布

以告神、討紂之罪、考證散鹿臺之錢、發鉅橋之粟、以

振貧民、封比干墓、釋箕子囚、遷九鼎、脩周政、與天下更始、師

尚父謀居多。考證於是

武王已平商而王天下、封師尚父於齊營丘。正義營

考證凌稚隆曰、一曰太公之謀居多、一曰師尚父謀多、是收拾上文且與前陰謀修德宗太公為本謀二句相應、

正義括地志云、營丘在青州臨淄北百

步外城中。**正義**臨淄城中有丘，淄水出其前，經其左，故有營丘之名。**考證**營丘故城在今山東青州昌樂縣。

受封留爲大師，則太公固與且夷同相周也。故金縢稱二公，此言就國者，或受封之始，往治其國，旋即返周，歟。

曰：吾聞時難得而易失。客寢甚安，殆非就國者也。太公聞之，

夜衣而行，犁明至國。**考證**犁，音里，奚反，犁猶比也。一云，犁猶遲也。**考證**御覽引甚作處，就國之國，作封。

伐與之爭營丘。營丘邊萊，萊人夷也。會紂之亂，而周初定，未

能集遠方，是以與太公爭國。**考證**中井積德曰：據下文，萊侯當作萊人，愚按說苑權謀篇以爲鄭桓公就封事，葉適

曰：客寢甚安，殆非就國者，此後世鄙語，而遷以施之。周公師尙父之間，是世無復有聖賢，何取於論載也。

太公至國脩政，因其俗，簡其禮。**考證**魯世家載太公言云：吾簡其君臣禮，從其俗爲也。

通商工之業，便魚鹽之利，而人民多歸齊，齊爲大國。及周成王少時，管蔡作亂，淮夷畔周。

正義孔安國云：淮浦之夷，徐州之戎。乃使召康公。**考證**服虔曰：召公奭。命太公曰：東至海，西至

河南至穆陵北至無棣

集解

服虔曰：是皆太公始受封上地，疆境所至也。舊說穆陵在會稽，非也。按今淮南有故穆陵

門，是楚之境。

考證

無棣在遼西孤竹，服虔以為太公受封境界所至，不然也。蓋言其征伐所至之域也。或云穆陵今山東青州臨朐縣南，無棣直隸天津慶雲縣，皆就齊境言之。

據此，則下文五侯九伯八字不可解，索隱為長。

五侯九伯，實得征之。

集解

杜預曰：五等諸侯，九州之伯，皆得征討其罪也。**考證**

召康公以下采倍四年左傳管仲言，龜井曰：九伯，蓋每州一伯，統五侯者。

齊由此得征伐為大國。都營丘，蓋

太公之卒百有餘年。

集解

禮記曰：太公封於營丘，比及五世，皆反葬於周。鄭玄曰：太公受封，置為太師，死葬於周。五世之後，乃葬

齊。皇覽曰：呂尚家，在臨菑縣城南，去縣十里。**考證**

子丁公呂伋立。

集解

徐廣曰：一作及。正義

諡法，述義不克曰丁。**考證**鄭樵曰：諡法雖始有周，是時諸侯猶未能偏及。齊五世後稱諡，則知所謂丁公者，長第之次也。注中曰：史記呂伋稱丁公，丁公之子得稱乙公，乙公之子

慈母稱癸公，丁乙癸並从十干。周初諸侯未有稱諡，周文公見於國語，經傳但稱周公、召康公見於左氏春秋。毛詩序：經傳但稱召公、齊之太公，亦非諡也。故伯禽稱魯公，蔡叔之

子胡稱蔡仲，蔡仲之子荒稱蔡伯，振鐸稱曹叔，曹叔之子脾稱大伯，大伯之子平稱仲君，封稱康叔，康叔之子稱康伯，宋始封之君稱微子，微仲之子穰稱宋公，宋公之子申

亦稱丁公。虞稱唐叔，唐叔之子變稱晉侯。當時易名之典，惟施于王者，諸侯之得諡者，多在再傳及三四傳之後。前此或以伯仲或以國邑而夏殷之禮相沿而未革，故猶有以甲

乙爲號者齊之丁乙癸宋之丁公是也梁玉繩曰諡法速義不克曰丁呂俊賢嗣何以蒙此不韙之名字

公卒子癸公慈母立梁玉繩系本作廌公慈母也癸公卒子哀公不

辰立梁玉繩系本作不辰譙周亦作不辰宋忠曰哀公荒淫田游國史作還詩以刺之也考諡據詩序齊風鷄鳴還二詩刺哀公也中井積德曰哀侯始用諡諡

始起于哀公時紀侯譖之周周烹哀公集解徐廣曰周夷王考諡此時

休注鄭氏云懿始受譖而烹齊哀公是也周語亦有其事而立其弟靜是爲胡公正義論法彌年壽考曰胡胡

公徙都薄姑正義括地志云薄姑城在青州博昌縣東北六十里而當周夷王之時哀公之

同母少弟山怨胡公乃與其黨率營丘人襲攻殺胡公而自

立是爲獻公梁玉繩宋忠曰其黨周馬紂人將胡公於具水殺之而出自立也獻公元年盡逐胡公子

因徙薄姑都治臨菑考諡詩大雅烝民篇毛傳以齊去薄姑遷臨菑爲宣王時與史異毛公在馬遷之前其言當有準據存參宣

九年獻公卒考諡梁玉繩曰獻公之年有脫誤疑是二十九年子武公壽立武公九年周

厲王出奔居彘。

正義直厲反，括地志云晉州霍邑縣也。鄭玄云霍山在彘，本秦時霍伯國。

十年，王室亂，大

臣行政，號曰共和。二十四年，周宣王初立。二十六年，武公卒。

子厲公無忌立。厲公暴虐，故胡公子復入齊。齊人欲立之，乃

與攻殺厲公。胡公子亦戰死。齊人乃立厲公子赤爲君，是爲

文公。而誅殺厲公者七十人。

考證梁玉繩曰：厲公在位九年，此脫。

文公十二年卒。

子成公脫立。

系本及譙周皆作說，舊刻毛本，脫作說與年表及齊風譜疏引合作說爲是。

成公九年卒。

子莊公購立。

考證劉氏晉神欲反，系家及系本竝作贖，張文虎曰：單本無此索隱，蓋從年表移屬。

莊公二十四

年，犬戎殺幽王。周東徙維。秦始皇列爲諸侯。

考證程一枝曰：秦繼周而王者乎，其始爲諸

侯也。列國世家皆書曰：秦襄公始爲諸侯，易爲書之，慎其始也，謂其係天下之強弱也。

五十六年，晉弑其君昭侯。六

十四年，莊公卒。子釐公祿甫立。釐公九年，魯隱公初立。

考證馮班

曰世家書魯隱公立春秋之始也

十九年魯桓公弑其兄隱公而自立爲君

考隱十

左傳

二十五年北戎伐齊鄭使太子忽來救齊齊欲妻之忽

曰鄭小齊大非我敵遂辭之

考桓六年左傳

三十二年釐公同母弟

夷仲年死其子曰公孫無知釐公愛之令其秩服奉養比太

子

考釐公以下采莊八年左傳但不記夷仲年沒年

三十三年釐公卒太子諸兒立是爲

襄公襄公元年始爲太子時嘗與無知鬪及立絀無知秩服

無知怨

考通梁玉繩曰案莊八年左傳是因其竝適而絀之非鬪也史豈別有據乎

四年魯桓公與夫人如

齊齊襄公故嘗私通魯夫人魯夫人者襄公女弟也自釐公

時嫁爲魯桓公婦及桓公來而襄公復通焉魯桓公知之怒

夫人夫人以告齊襄公齊襄公與魯君飲醉之使力士彭生

抱上魯君車、因拉殺魯桓公。

集解公羊傳曰：「斃幹而殺之，何休曰：『猶折聲也。』」正義拉，音力合反，幹，魯也。

桓

公下車則死矣，魯人以爲讓。

集解讓，猶責也。

而齊襄公殺彭生以謝

魯。

考證魯桓公以下，雜采桓十八年左公羊二氏。

八年，伐紀，紀遷去其邑。

集解徐廣曰：「年表云：去其都邑。」

按春秋莊十四年，紀侯大去其國，左傳云：「遘齊難，是也。」正義括地志云：「故劇城，在青州壽光縣南三十一里，故紀國城也。」帝王世紀云：「周之紀國姜姓也。」紀侯，魯哀公於周懿王時，烹之，外傳云：「紀侯入爲周卿士，竹書云：『齊襄公滅紀，遷紀云。』」考證莊四年經傳，梁玉繩曰：「春秋書紀侯大去其國，此遷字未安，蓋齊以漸滅紀，非僅此年伐之而已。」徐孚遠曰：「紀侯，魯哀公復九世之仇也。」

十一年，初襄公使連稱、管至父戍葵丘。

集解賈逵曰：「連稱，管至父皆齊大夫。」杜預曰：「臨淄縣西有地名葵丘。」集解杜預曰：「臨淄縣西有地名葵丘，又桓十五年會諸侯於葵丘，當魯僖公九年。」杜預曰：「陳留外黃縣東有葵丘，不同者，蓋葵丘有兩處，杜意以戍葵丘當不遠出齊境，故引臨淄縣西之葵丘，若三十五年會諸侯於葵丘，杜氏又以不合在本國，故引外黃東葵丘爲注，所以不同爾。」

瓜時而往，及瓜而代。

集解服虔曰：「瓜時，七月及瓜，謂後年瓜時。」考證李笠曰：「及上當據左氏補。」

往戍一

歲，卒瓜時，而公弗爲發代，或爲請代，公弗許，故此二人怒，因

公孫無知謀作亂。連稱有從妹在公宮。無寵。集解服虔曰。爲妾在宮也。使

之閒襄公。集解王肅曰。候公之閒隙。曰。事成。以女爲無知夫人。考證三條本。女作

汝。冬十二月。襄公游姑蔡。集解賈逵曰。齊地也。正義音扶云反。遂獵沛丘。集解杜預曰。

樂安博昌縣南。有地名貝丘。梁左傳作貝丘也。正義左傳云。齊襄公用于貝丘。墜車傷足。即此也。考證梁玉繩曰。貝。沛古以音近通借。見薨。從者

曰。彭生。集解服虔曰。公見薨。從者乃見彭生。鬼改形爲豕也。考證龜井景曰。杜云從者見彭生。然既曰豕。則非妖鬼。從者紿而驚慌之耳。其爲無知之黨可

知矣。公怒射之。薨人立而啼。考證龜井景曰。忽舉前足而悲叫也。公懼墜車。傷足失

屨。反而鞭主屨者弗三百。正義非佛反。下同。弗主屨者也。考證左傳云。誅屨于徒人費。弗得鞭之見血。弗

出宮。而無知連稱。管至父等。聞公傷。乃遂率其衆襲宮。逢主

屨弗。弗曰。且無入驚宮。驚宮未易入也。無知弗信。弗示之創。

正義乃信之。待宮外。令弗先入。弗先入。即匿襄公戶閒良久。